

V-19563/4

LA

(1975)

SKOLTA MONDO

OFICIALA ORGANO DE LA SKOLTA ESPERANTISTA LIGO



VOLUO 4 N·RO 5
1·A JARKVARONO 1970

S ★ E ★ L

Fondinto: "Avcto"

Kunfondinto: J.W. Leslie

Honoraĵ Prezidantoj:

"Avcto". Norman Booth.

Kolonelo D. H. Davis.

L. J. VanGulck.

Prezidanto:

Sekretario: J. K. Hammer,
Taxisstraat 7, Zaandam,
Nederlando.

Kasisto: David H. Withey,
21 Brookfield Avenue,
Waterloo, Liverpool 22,
Britujo.

Redaktoro: Hans Amund Rosbach
Nergt 37 c, N-6500 Kristian-
sund N, Norvegujo.

Denove mi devas danki por la multaj salutoj kaj leteroj kaj sendaĵoj, kiujn mi ricevis dum la kristnasko kaj je ĵarŝanĝo. Tre multaj leteroj esprimas kontenton pri la nuna aspekto de nia gazeto Sed ankaŭ, feliĉe, alvenas kritikaj leteroj.

Temas i.a. pri la nova dorso. Kial vi, diras iu, presigas ĝin tia, kaj mem metas en koverton? Nu - la presejo ekspedas ĝin per alsenditaj alglueblaj adresoslipoj, kelkaj ope, aliaj amase. Ili verŝajne trovas ekspedon per sama metodo al ĉiu pli facila.

Alia ŝldiro estas pli grava.

La poŝto en kelkaj landoj malpermesas senkovrilaj sendaĵoj ĉar alia poŝto povas engliti inter la folioj de La Skolta Mondo kaj tiel malaperi.

Mi tial insiste petas, ke niaj Naciaj Reprezentantoj respondu al jena demando:

Ĉu la "reformo" estis utila aŭ ĉu vi ne povas utiligi ĝin?

Respondu per poŝtkarto al mia adreso (kaj se vi volas fari al mi komplezon, afranku per bela

poŝtmarko), kaj mi decidus laŭ la respondoj. Do: se ne plimulto respondos: Ni uzas ĝin - mi devos lasi ĝin, pro la landoj en kiuj ĝi ne estas laŭ la reguloj.



El Aŭstralio venis donaco al mi, kredeble de SEL-ano, kaj mi tre dankas pro bumerango, kiun mi provos, kiam la neĝo malaperos. Fabrikis la bumerangon iu fabriko por difektituloj, kaj laŭ mia opinio konkursoj per ili povos esti tre trafa por skoltoj. Kial ne subteni la fabrikon?

Ankaŭ redaktoro revas pri io: Se mi nur havus - anstataŭ mia 20-jara skribmaŝino - tute modernan kun elŝanĝeblaj literoj! aŭ pli modeste: se mi havus tondilon kiam uzas fotoĝrafoj, per kiu mi povus tranĉi tute rektan linion. Kiel nun estas, la redakta kaj tipografa laboro estas farataj amatore, per primitivaj iloj kaj en limigita libertempo.

Per kiovi do povas helpi? Ĉefe per ordinara SEL-laboro, kaj per alsendo de ideoj, bildoj, interesaj artikoloj, skoltaj revuoj - jes, mi ripetos min mem.

Koran saluton
via redaktoro.

La skolt-
estro unue
faru sian
ĉiutagan
bonan agon!

(W.P.60)



Kovrila foto:
El "Procenta kalendaro"
de Norges Kristelig Ungdomsforb.



FREDERICK DOUGLAS MURPHY

Kiel ĉiu skolto scias, ni per la supra signo diras, ke Douglas Murphy hejmen iris.

Nia prezidanto estis kristano, 16 jara li estis baptita plenkorpore laŭ la ritoj de la Baptista eklezio, kies fidela ano li restis ĝis sia morto. En la eklezio li instruis en Dimanĉa Lernejo, kaj dum multaj jaroj li estis Presbitero de sia eklezio. Ni konas lin kiel fidela kristano, kaj ni fidas, ke li vere iris hejmen.

Li naskiĝis la 4-an de Majo 1905, edziĝis 1929, kaj la paro ricevis filon 1935. Profesie li estis bankoficisto, sed emeritiĝis 60-jara en 1965.

En 1918 li skoltiĝis, kaj ankaŭ en la skolta movado montriĝis la fideleco, kiu estis tiel grava parto de lia personeco. Tial li trapasis la ŝtupojn: Patrolestro - Subtrapestro - Grupestro - Distrikta Helpkomisaro - Distrikta Sekretario - Distrikta Gazetara Korespondanto ĝis li fariĝis kaj restis Provinca Helpkomisaro kaj Provinca Gazetara Korespondanto. Komprenoble li portis la "Lignan Insignon" de Gilwell, krome la ĉefskolto honoris lian laboron per la "Arĝenta Glano" kaj poste per la "Arĝenta Lupo", la plej alta honoro de skoltismo. Je sia morto li estis Prezidanto de la Felixstowe-aj Marskoltoj.

Jam en 1919 li esperantiĝis, kaj sciis kunligi la du idealismaj movadoj, kiam li fariĝis ano n-ro 58 de S.E.L. en 1919. Ankaŭ lia esperantista kariero estas okulfrapa. Li estis redaktoro de la iama "Skolta Bulteno", poste vicprezidanto kaj fine prezidanto de S.E.L.

Ankaŭ aliaj flankoj de la movado profitis el lia laboremo: Li ricevis Diplomon de la Brita Esperantista Asocio kaj nomigis



Fratulo kaj Speciala Ekzamenisto. Dum multaj jaroj li estis delegito de UEA kaj fakdelegito por Skoltismo, Bankaferoj kaj Kristanismo. Li ankaŭ restis Konsilanto de BEA kaj membro de ties Estraro kaj Prezidanto de Komitatoj Socia kaj Turisma. Li siatempe estis Sekretario de Orienta Esperanto-Federacio, poste eĉ Prezidanto.


Li fondis Esperanto-grupon en Ipswich, kaj dum multaj jaroj li estis ties Sekretario aŭ Prezidanto.

En 1955 li aliĝis al KELI, kaj fariĝis kaj restis Sekretario de la Brita Sekcio, kaj Estrarano de KELI dum pluraj jaroj.

Evidente do estas, ke ne nur ni funebras pro lia forpaso. Liaj laborfortoj kaj kapabloj igis lin ŝatata kaj honorata inter tiuj, kiuj konis lin persone, kiel ĉe tiuj, kiuj nur letere kontaktis kun li.

Dum kvin jaroj li estis nia tre lerta Prezidanto, kaj ni malĝojis kiam ni aŭtune aŭdis pri lia malsano. Nun ni funebras kune kun liaj edzino kaj filo.

*Je ambaŭ
flankoj
de la
mondo!*



*el la foto-
albumo de
Jk. Hammer.*

2.

*1. Japana klubo, adreso:
S-ro Kikusaburo Ishii,
Hirakata PD kasto 11 Osaka.*

*2. Germana kurso ĉe: Esp. Centro Rheinland-Pfalz,
Hasslacherstr 17. D6730 Neustadt-Weinstrasse.*

Okazas nun dekoj da kursoj : en temploj, en skoltejoj, en preĝejaj salonoj kaj privataj domoj, en ĉiuj kontinentoj de la mondo.

Mi vere estas ĝoja, ke mia libreto tiom valoras por la Skolta Movado !

Al vi ĉiuj mi deziras sukceson, kaj mi esperas ke Esperanto donos al vi ĉiuj TIOM da plezuro, kiom ĝi jam donas al mi.

Skoltrate salutas al vi : *Jk. Hammer*

LA ŝtelista NODO.



Bildo en la unua eldono de nia lernolibro por skoltoj "Jamborea Lingvo" zorgis por vigla internacia korespondo.

"Mi vere ne kredas ke la nodo en paĝo 9 estas malbona !"

Tion multaj skoltoj skribis al mi.

"La bildo de la fuŝ-refnodo estas ne korekta !"

Tion skribis alia skolto.

Sed...

tute ne temas pri fuŝ-refnodo !

Mi volonte klarigas la nodon, kiun mi desegnis.

Rigardu bone la bildojn . Ĉe 1) estas ordinara refnodo.

Ĉe 2) estas la fuŝ-refnodo. Nun la plektaĵo estas farita en alia maniero.

En bildo 3) estas nodo, de kiu la plekto estas kiel en bildo 1) , sed vi bone atentu kie la ŝnur-finaĵoj A kaj B estas !

En Nederlando oni nomas tiun nodon "ŝtelista nodo" , ĉar ĝi tre facile glisas.

Por fari ĝin oni ne volvas la ŝnur-finaĵojn unu ĉirkaŭ la alian, sed unue oni faras banton, tra kiu oni plektas la alian finaĵon (bildo 4).

En la dua eldono de la libro, mi tamen ŝanĝis la bildon ĉar lernolibro ja devas esti tuj komprenebla !

JKH



1.



2.



3.



4.

KUKOLO

La kukolo ek de pratempoj havis certan lokon en la popolfantazio. Sennombraj estas la historioj, legendoj kaj proverboj, kiuj ŝvebas ĉirkaŭ tiu stranga birdo.

Ĉiu scias, ke la kukolo estas ia parazito en la birda mondo. Ĝi neniam konstruas neston aŭ prizorgas familion. Anstataŭe ĝi metas la ovojn en la nestojn de aliaj birdoj, kiuj tiel aŭtomate iĝos edukgepatroj de la kukolido.

Tiu "parasitismo" kreis certan malbonvolon kontraŭ la kukolo. Oni rigardas ĝin sentaŭgulo, senhontulo, danĝero al la etbirdoj. Tiu karakteristiko tamen estas pli sentimentala ol justa. La naturo de la kukolo ja estas tia.

Pli novaj esploroj ankaŭ malkovris, ke la kukolo tute ne estas tiel indifidenta rilate al la idoj. Kelkaj sciencistoj eĉ asertas, ke la kukolo la tutan tempon observas la edukgepatrojn kaj la idojn,

ĝis tiuj plenkreskis.

Reveninta printempe la virkukolo proprigas al si teritorion, poste gardotan kontraŭ ĉiuj aliaj virkololoj. Ofte ĝi revenas jaron post jaro al la sama teritorio. Ĉiu konas ĝian "Ku-ku". Estas la koko kiu faras tiun sonon dum la seksa periodo. Tiam ĝi estas en ekstazo, kaj la signaloj revenas rapide, ĝis 60 foje en unu serio. La ino respondas per trilado, simila al tiu de etnumenio. Ŝi estas tre produktiva, metas ĝis 25 ovojn dum printempo kaj antaŭsomero. En Norvegujo ŝi elektas inter 20 diversaj birdoj por edukgepatroj.

Tuj kiam kukolo venas al sia loko, ĝi komencas sisteman esploron de la ĉirkaŭaĵo por eltrovi, kie la etbirdoj troviĝas, kaj gardi ilian nestkonstruon. Oni eltrovis, ke la kukolino ĉiam metas siajn ovojn en nestoj kie la ovoj kiel eble plej similas al ŝiaj kolore kaj forme. Verŝajne ŝi mem siatempe elkovigis en nesto de tia birdspeco.

Kiam kukolo trovis konvenan neston, ĝi atentadas ĉion kio okazas tie. Tuj, kiam la posedanto de la nesto metis ovon aŭ du, la kukolo estas tie por meti unu sian. Tio okazas tre rapide, dum 8-10 sekundoj.

Ordinare la kukolino glitas per larĝe vastaj flugiloj al la nesto, prenas ovon per la beko, sidigas sur la nesto kaj metas sian ovon, kaj forflugas kun la ŝtelita ovo, kiun ĝi aŭ mangas aŭ forĵetas.



La etbirdo konas la kukolon kaj ĝiajn morojn, kaj certe ne ŝatas tian najbaron. Oni tial ofte vidas flugantan kukolon kun vosto de ĉasantaĵ etbirdoj. Ili verŝajne kune volas forpeli ĝin de sia distrikto. Sed strange estas, ke ili kutimas aprobi la fremdan ovon eĉ kiam ĝi rimarkinde diferencas de la propraĵ. La kukolo estas tre decidita, kiam ĝi volas meti sian ovon en elektitan neston. Ĝi tute ne volas lasi sin forpeli. Angla fotografo, Oliver G Pike, kiu filmis kukolon, eksperimente forpelis iun. Ĝi revenis, kaj tio ripetigis 24 fojojn. La 25-an li lasis ĝin pace, kaj ĉio okazis normale. En la daŭro de 6 sekundoj ĝi elŝanĝis ovon kun propran kaj forflugis.

Oliver Pike ankaŭ rakontas, kiel la kukolo konscie ruinigas nestojn kie la etbirdoj jam metis siajn ovojn, kaj kie ĝi tial ne konas la tempon por finkovado. Ĝi ja ne povas riski meti sian ovon en iu nesto, kie la birdidoj tro frue elvenos. Tie ili ja iĝus grandaj kaj flugitaŭgaj antaŭ ol la kukolido ekvidus la tagon. Plej ofte la neelkovitaj ovoj senkomplete estas elĵetitaj kelkajn tagojn post normala elkovigo. Tiel la tro malfrua ovo estas kondamnita al morto. Tion la kukolo instinkte scias, sed ankaŭ, ke la birdoj tuj rekonstruas detruitajn nestojn en la proksimo. Kaj tiam ĝi povas atenti la progreson, kaj meti la ovon en oportuna tempo.

La kukolovo bezonas pli mallongan tempon ol aliaj ovoj. Tiun avantaĝon la kukolido eluzas, kiam ĝi senkomplete elĵetas siajn "gefraftojn" aŭ restantajn ovojn. Nur kelkajn horojn post sia naskiĝo ĝi komencas sian tiranion. Ĝi premas sian dorson sub alian idon aŭ ovon kaj rektigas siajn fortikajn kruojn. Kaj jen, la alia malaperas super la nestobordon. Post paŭzo ĝi daŭrigas la elĵetadon ĝis ĝi sola restas.


La etbirdoj, kiuj tiel perdas la proprajn idojn, transverŝas sian plenan amon al la glutema fremdinfano. Kun kortuŝa zorgemo kaj nelacigebla fervoro ili alportas insektojn kaj vermojn por ŝtopi en la neniam sata faŭko. La ido manĝas por kvin, kaj post kelkaj semajnoj estas pli granda ol la edukgepatroj.

Post tri semajnoj la ido forlasis la neston, sed ankoraŭ ĝi estas nutrata de la gepatroj dum longa tempo.

Oni ankaŭ asertas, ke la granda ruĝa faŭko de la kukolido povas esti kvazaŭ hipnotika al preterflugantaj birdoj kiuj alportadas nutraĵojn al siaj propraj idoj. Ankaŭ tiu nutraĵo do povas fini en la stomako de la kukolido. Okazis, ke la kukolo metis sian ovon en nesto, kie la enirejo estis tro malvasta por kukolido. La edukgepatroj tiam daŭras ĝin nutri ĝis malfrua aŭtuno. Sed la vivo de tiu ido ja devas tragike finiĝi.

La fotita kukolido estas trovita ĉe Blåhø, oriente de Fokstumyra, en la norvega almtoro.

Teksto kaj foto estas el la libro "I Dovregubbens Rike" (En Regno de Dove-troj) de Mathis Kværne kaj estas redonata kun permeso de la aŭtoro, al kiu ni tutkore dankas.



Sugesto.

Kelkaj el vi deziras korespondi. Faru tion.

Sed ĉu ne estus saĝe ankaŭ sendi

al la nacia skoltorgano de la Koncerna lando peton pri korespondo en Esperanto?!

Nia korespondo.

Korespondo kun interŝanĝo de poŝtmarkoj, poŝtkartoj, alumet-etiketoj, E-gazetoj, ilustritaj gazetoj kaj ĉokoladopapero estas dezirata de Frana Skrla, Celakovskeho ut cis 486, KYJOV, Ĉeĥoslovakujo.

Ni bezonas dek knabinojn inter sep kaj dek jaroj kiel korespondantinoj. Ni estas skoltinetoj kaj preferus alian saman grupon. Aŭ ni skribus al skoltetoj aŭ skoltinoj. Nia gvidistino estas f-ino Merle Haltrecht, 43 Avenue Road, Ottawa 1, Ontario, Kanado. Bonvolu skribi al ŝi, kaj ni skribos al vi.



NI RICEVIS:

folieton pri Biblia Muzeo de Antikaĵoj en Amsterdamo.

Turistbroŝuron pr Nord-Orienta Svislando, tre bela kun mapo kaj kun bildoj, kaj Esperanta teksto. Ricevebla ĉe Nordostschweizerische Verkehrs-Vereinigung, CH 9001 St. Gallen, Svislando. Bonvolu skribi en Esperanto.

Libron "La Lando de Alvargonzalez" de Antonio Machado, en traduko de Fernando de Diego. Eldono de la Hispana Esperanto-Federacio, kiu havas sidejon en Zaragoza. Temas pri rakonto en versoj, bele presita kaj bone tradukita. Prezo 10 steloj.

Belan, 24-paĝan, broŝuron pri Česká Třebová, kun superrigardo de la historio, nuna stato ktp de tiu ĉeĥoslovaka urbo, eldonitan de la urba nacia komitato al la 50-jara jubileo de Ĉeĥoslovakujo.



Ĉiu skolto havas idealon al kiu li rigardas kun la sekreta espero iam simili. Kaj inter la skoltaĵoj idealoj St Georg havas altan lokon. La skoltoj legis aŭ aŭdis la legendon pri lia batalo kontraŭ, kaj venkon super, la drako, kaj certe revas, ke li mem, iam kaj ie, same brave batalos kaj venkos. Tamen li ofte ne vidas la eblecojn al tia batalo ĉar li nur pensas pri la grandaĵoj. Tiam estas saĝe memori, ke la vivo ne konsistas el la grandaĵoj sed el bagateloj. En la bagateloj oni vidas fidelecon.

ETAJ NOTOJ.

Personaj notoj pri kelkaj kunlaborantoj...

Seppo Tella, nia N.R. en Finnlando jam dum pluraj monatoj estas eksterlande. Li ricevis stipendion por viziti universitatojn i.a. en Francujo.

Euclide Soares, en Brazilo, dum pluraj monatoj devis sekvi kurson altnivelan, kaj poste flugis multe tra sia grandega lando. Multloke li parolis pri nia Ligo, kaj en ŝtato Acre eĉ skoltado estis nekonata. Nun li denove estas preta por servi al SEL.

La redaktoro estis dum monatoj tre okupata pro duobla tasko. Kolego malsaniĝis kaj nun mortis, kaj la taskoj de tri pastroj estu farataj de du. Pardonu malfruigojn ktp.

Leteroj pri malsanoj ankaŭ venis de niaj N.R.-oj en Italujo kaj Aŭstralio dum la pasinta jaro.


Nia kasisto komence de decembro ricevis merit-medalon de sia skoltasocio, transdonitan de la graflanda komisaro. Dum la sama kunveno la filo Martin Withey iĝis ĉefskolto (steloskolto). Ni kore gratulas al ili ambaŭ!

Vojaĝon al eksterlando ankaŭ faris nia N.R. en Japanujo, s-ro Sinzo Sumija. Dum la foresto la Esperanto Servo Centro Osaka, sub gvido de s-ro Seitaro Sindo zorgis, ke la aferoj tamen marŝis. Japanujo tiel donis al ni ĉiuj imitindan ekzemplon!

El Ĉeĥoslovakujo unue venis tre ĝojigaj sciigoj. Dum la jaro la eblecoj por Skoltado tamen denove malboniĝis. La agema St. Lešinger tamen laboras, kaj deziras aĉeti por kompletigo la numerojn 25-26 kaj 43 el 1960. Bonvolu proponi. Adreso: M. Cibulkove 34, Praha 4 Pankrac.

Pri hon.prez. Jozef van Gulck mi nur volas diri, ke li, kiel ĉiam, aktivas kaj per leteroj atentigas multegajn alt-rangulojn en nia Movado pri la valoro de Esperanto.

La Sekretario multe laboris por nia kampanjo. Pro difekta maŝino la dua eldono de "Jamborea Lingvo" aperis tre malfrue. Tiu fakto, kune kun kelkaj aliaj aferoj, donis al li (por diri la veron) fakte tro multajn problemojn dum



De goede daad.

La bona ago.

la lastaj monatoj de la jaro 1969.

Informoj pri okazontaĵoj.

Turisma Servo de TEJO ellaboris kalendaron de pli gravaj junularaj Esperanto-aranĝoj 1970.

Vin turnu al Turisma Servo de TEJO ĉe Andrzej Grzebowski, BYDGOSZCZ, M. Curie-Sklodowskiej 10/3, Pollando.

El la sama lando ankaŭ venas informo, ke Klubo De Kazon-Amantoj "Belsono" (Wroclaw-17, str. Dubois 3, Pollando) intencas surdiskigi kelkajn modernajn esperantajn kanzonojn, kaj tial petas vin skribi al "ARS POLONA", Varsovio, Krakowskie Przedmiescie 7, kaj peti informojn pri la planoj pri diskoj kun la pop-muzikistoj "Muzilo".

Tiu "Muzilo" estas, laŭ la letero, la sola "pop-band" kiu uzas nian lingvon.


En supre nomita kalendaro ne estas informo pri labortendaro 80 km. sude de Romo 10a-30a de Julio.

La restado estas senpaga. Skribu al MCP, via Cesare Balbo 4, I-00184 ROMA, Italujo.

Esperantista Kulturdomo, Kastelo Gresillon atentigas pri:

La revuo kiu progresas, ĉar ĝi plaĉas: "Kulturaĵaj Kajeroj".

Ĝi, vere internacia, alportas artikolojn plej diversajn, bele ilustritajn, facile legeblajn, kaj novaĵojn de la Esperantista Kulturdomo "Gresillon", BAUGE 49 Francujo.



KIAL BARIERO

dividas nin



PROponu al via (antaŭa)
skoltgrupo FORIGI tiun
barieron !

* La solvo estas TIEL *
* facila, ke oni tute *
* ne komprenos vin ! *

TIAL :

~~PROponu~~
~~PROponu~~ trifoje !
~~PROponu~~



JAMBOREA LINGVO, skolta lernolibro

NUN KUN DISKO!

Sendu poŝtmandaton al la sekretario
de Skolta Esperantista Ligo.

Libro f 2.50 Disko f 2.00
(f = nederlandaj guldenoj)

* sendu taj!

Rabato
25%
ĉe mendy
de 10 ekz.

Naciaj reprezentantoj:

- Aŭstralio: S-ro S. H. Milligan, 274 Mont Albert Rd., Surrey Hills, 3127. Victoria. Telefono WF 7948.
- Aŭstrujo: S-ro Heinz Kovacic, Grazbachstrasse 57, A-8010 Graz.
- Belgujo: s-ro Eddy Frederickx, Passbloemstraat 31, Merksem-Antwerpen. Poŝtĉekk. 9978.93. Tel. (03)4524.76
- Brazilio: S-ro Euclides C. Soares, Av. Almirante Tamandare 979, Belem, Para.
- Britujo: S-ro C. Bardsley, 42 Westbourne Street, Oldham, Lancs.
- Danlando: S-ro Sejer Holgersen, Ejnarsvej 99, Lyngby.
- Finlando: Helpa NR: Timo Kaijanranta, Tienhaarankuja 5, Vuoksenniska, Imatra.
- Francujo: Monsinjoro Patrick Truchemotte, 76, Rue Lombard, Bordeaux
- Hispanujo: S-ro Pedro Marqueta, Fern el Catolico 32, 5^o izqda, Zaragoza, Telefono 25 20 44.
- Italujo: Prof. Franco Tulone, Via Frangipene 8, 92019 Sciacca, Agrigento. Telefono 21.198.
- Japanujo: S-ro Sinzo Sumiya, Daido Kagaku Sooti K.K. 16, Suekirotyo Kitatu, Osaka.
- Kanado: S-ro John. H. F. Hoyle, Box 421, Forest Ont. .
Helpa N.R.: S-ro Paul Ronald, 45, 10th Ave., Roxboro, Queb.
- Kongo: S-ro Paul Deloijn Nzemba-Paku, Kalembelembe 225, St. Jean, Kinshasa.
- Nederlando: S-ro J. K. Hammer, Taxusstraat 7, Zaandam.
Tel. (02980)-66931. Poŝtĝirkonto 63 22 46.
- Norvegujo: S-ro H. A. Rosbach, Nergt. 37c, N 6500 KristiansundN.
Tel (073)-77620. Poŝtĝirkonto 9 86 06.
- Portugalujo: S-ro J. P. de Melo, Rua Jacinto Nunes 17-3^oDt^o, Lisboa I
- Usono:
Helpa NR: C. Stanley Otto, 7, Longview Road, Livingston, New Jersey, 07039.

David Withey, telefono WAT 2936.

L. J. van Gulck: telefono 03-3688.08. Poŝtĝirkonto Belga Skolta
Esperanto-Sekretariato 327460


LA SKOLTA MONDO. Memoru la limtempon: Ĉiam la unua de la dua monato de la jarkvarono.

SKOLTA ESPERANTISTA LIGO




"ESTU PRETA"

PRESAJO



AL

DE _____



L E R N U E S P E R A N T O N !

REDAKCIO: N-6500 KRISTIANSUND